

Marsu 2017

Prezadus Pais y Responsaveis di Alunus di Liseus di BPS,

Skolas Públikas di Boston ten orgulhu di ser parti di Kampanha Nasional “OUT for Safe Schools” (OUT pa Skolas Siguras). Kampanha OUT for Safe Schools e un kampanha lansadu pa garanti familias e ses fidjus/as ki e Lésbikas, Gays, Bissexuais, Transgêneros, “Queer” y kes ki ta Kestiona ses sexualidadi (LGBTQ) pes xinti ben-vindos y afirmadus na tudu comunidades skolar.

Pa alguns jovens ki ta identifika komu LGBTQ, skola podi ser un lugar hostil y ki ta fazes xinti inútil. A nível nasional, studantes LGBTQ sta kontinua ta korri maior risku di ser vítimas di bullying, assédu y di violênsia. Es alunus ten un persentagen mas altu di dipreson, abuzu di substânsias tóxicas, falta di moradia y també di dixa di ba skola. Klima skolar ta afeta nãu só susesu idukasional di nos alunus, mas també ses ben-estar mental. Kampanha Out for Safe Schools e un estratégia ki nu sta uza pa fazi nos skolas un ambienti di aprendizagen siguru, favorável y inklusivu pa TUDU alunus.

Funcionários di skola ta dizenpenha un papel importanti na kria un komunidad di ondi studantis LGBTQ e aseitadu e es ta xinti sigurus. Peskisas ten dimonstradu ki, kuandu funcionários ta intervini ora ki fazedu komentários negativos ô komentários sobri identidadi ô ispreson di gêneru, e ben provável ki studantis ta xinti mas siguros y e menus provável ki es ta falta aulas.

**Skolas Públikas di Boston** ta dimonstra orgulhasamente ses apoio na es kampanha ku un kracha di OUT for Safe Schools pa pesoal di skola. Ora ki funcionários di skola uza es **kracha, di OUT for Safe Schools**, es ta dimonstra ki es e embaixadoris y aliadus di un espaso siguro pa studantis y ses famílias ki ta identifika komu LGBTQ. Es ta podi enkaminha studantis pa rikursus internos, isternus y apoios dispunível.

Kampanha Nasional Out for Safe Schools e ka un ditetriz ô mudança di kuríkulu, mas el ta enfatiza importânsia pa kria skolas siguras y ki ta apoia studantis, un komponenti di normas di Ben-Estar di BPS. Embora foku di kampanha é sobri jovens LGBTQ, es isforsu di kria un ambienti akolhedor y afirmativo pa es ta ten un ifeitu pusitivu pa *tudu* jovens.

Pa mas informason, entra en kontatu ku diretora di skola ô ku Kenya Elisa-McLaren, Empowering Teens Through Health Grant Manager: [kelisamclaren@bostonpublicschools.org](mailto:kelisamclaren@bostonpublicschools.org).

Obrigadu pa nhos apoio na isforsu di fazi skolas públicas di Boston un lugar siguru, saudável y un komunidad skolar akolhedor pa tudu alunus, garantindu ses kapasidadi di atingi ses maior putensial.

Sinceramenti,

Tommy Chang, Ed.D., Superintendenti  
Skolas Públikas di Boston